

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Hulyo 8, 2005  
[www.philippinerevolution.org](http://www.philippinerevolution.org)

# Pukanon ang pasista kag papet nga rehimeng Arroyo!

## Komiteng Tagapatuman sang Komiteng Sentral Partido Komunista ng Pilipinas

Lubos nga nadulaan sing kredibilidad ang papet kag pasista nga nagharing rehimeng Macapagal-Arroyo kag sa subong yara sa bibi sang pagkapukan. Desperado ini nga nagabatu kag nagamaniobra para salabaron ang kaugalingon, magkapyot sa gahum kag padayon nga magpagusa sa mga pribilehiyo kag kurakot. Pero samtang nagapakatig-a si Arroyo pagtabon sa iya mga krimen kag pagpabilin sa poder, labi nga nagalapad kag nagainit ang panawagan sa iya pagbiya, nagadaku ang litik sa kabinete kag nagaharing koalisyon, kag nagalala ang paralisis sa gubyrno. May mga makagagahum nga grupo sang daku nga burges kumprador nga handa na isakripisyo kag manawagan man sa pagbiya sa pwesto. Nagingki ang ahitasyon kag manio-brahan sa sulod sang AFP kag PNP. May mga senyales nga nagabutyag sang paghanda sang US sa posibilidad sang pagbiya kay Arroyo. (Pwede man nga pagpati-tibi lang ini sang US agud pugaon si Arroyo sa mas daku nga pabor.)

Samtang indi pa lubos nga dalagkuan kag makagagahum ang paghagunos sang masa sa mga protesta sa karsada, samtang wala pa nga nakatindog nga mapatihan nga alternatiba—indibidwal ukon kolektibo—nga makahugpong sa

pinakamalapad nga kubay sang pumuluyo nga makasikway sa rehimen, samtang nagatindog pa ang mayorya nga kontrol sang koalisyong maki-Arroyo sa Kongreso nga makahatag sang konstitusyunal nga basbas sa rehimen, kag samtang wala pa sang daku nga litik sa kontrol ni Arroyo sa AFP kag PNP—padayon nga makapamilit ang guban Arroyo nga magpadayon sa poder. Bangud indi na mag-obra ang simple nga pagpa-inosente, ginahangkat ni Arroyo ang oposisyon kag mga nagapanawagan nga pagbiya nga magpaidalum sa proseso sang *impeachment*, bagay nga yara sa kontrol sang mayorya nga nga Lakas-NPC-Kampi sa Kamara. Para makuha ang inisyatiba sa pulitika kag tabunan ang halambalanon sa dinayaay sa eleksyon, ginapadali ni Arroyo kag de Venecia ang pagamyenda sa konstitusyon kag pagbag-o sa porma sang gubyrno.

Bisan pilit nga ginaputos sang repormismo, ang pagpabilin ni Arroyo sa poder mahimo lamang paagi sa pagpabaskog sang suporta sa iya sang US kag sang mga pwersa nga masupog nga papet, pasista kag reaksyunaryo sa burukrasyang militar kag sibil. Nagapakita ini sang mga polisiya kag dumalahan nga mas malaut pa nga papet, pasista kag anti-masa. Sa pihak nga

bahin, magakahulugan man ini sang mas madasig pang nga pagtibusok sang sistemang malakolonyal kag malapyudal.

Sa desperasyon nga magpabilin sa poder, daku man ang posibilidad nga gamiton sang guban Arroyo ang AFP kag PNP sa mga padihut nga “*wag the dog*”<sup>1</sup>—pareho ang mga himu-himo nga padihot ukon atake nga terorista agud hatag-rason ang malaparan nga pagtapna sa kahublagang masa kag mga pwersang anti-Arroyo.

Husto nga pasingkion sang mga progresibong pwersa ang paghima-kas para pukanon ang papet kag pasistang nagahari nga rehimeng Macapagal-Arroyo paagi sa pagpahalin ukon pagbiya. Mabaskog ini nga ginademanda sang masa sang pumuluyo nga labaw nga ginapabudlayan sang rehimen nga sunud-sunuran sa mga dumuluong nga imperyalista, abusado sa mga tawha-non nga kinamatarung, kontra-mamumugon, kontra-mangunguma, kag garuk. Sa atubang sang nagaindikal nga krisis sa pulitika kag ekonomya, dapat makahason nga pamunuan ang malapad nga masa para pukanon ang papet kag pasistang rehimen kag itib-ong a n g mga kaswa nga pungsodnon kag demokratiko.

Madasig nga nagabwelo ang

mga protesta kag panawagan para sa pagpataalsik. Pero kinahanglan pila ka pilo pa nga palaparon kag pabaskugon ang mga ini, kag kinahanglan himuon ini sang madasigan. Obligado nga padayunon ang momentum sang mga protestang masa para sige nga pasingkion ang presyur sang publiko sa rehimeng Arroyo kag engganyuhon sa pagbatu ang nagapalapad nga palapad nga kubay sang ordinaryong pumuluyo. Luwas sa pagtilipon sa karsada sang nagapadaku nga numero sang pumuluyo, ang kahublagang protesta kag panawagan sa pagpataalsik kinahanglan madasig nga palaparon pa sa mga sektor, ilabi na sa basehang masa kag sektor nga maimpluwensta sa upinyon publiko, kag sa mga rehiyon.

Hugot nga magkaangot ang pagpadaku sang kahublagang protesta kag pagtukod sang pinakamalapad nga nagahiliugyong prente para sa pagpukan sa papet kag pasistang rehimen. Ini amo ang taktikal nga alyansa nga nagabatu kag nagasikway sa nagaharing rehimen, base sa pagtib-ong sang pagpataalsik kag mga pinakabasehang prinsipyong pungsodnon kag demokratiko sang pumuluyong Pilipino. Pangunahon nga katuyuan sini ang pag-engganyo sa pagpartisipar kag pagsuporta sa kahublagang pagpataalsik sang tanan nga pwede mahabig kag ang pagpabaskog sang nanarisaring porma sang protesta kag pangmasang paghimakas.

Ang bug-at sang kahublagan kag paghimakas para sa pagpataalsik yara sa mga patag kag paghimakas nga ligal kag di-armado. Pero esensyal ang pagpasingki sang mga taktikal nga opensiba sang BHB sa bug-os nga kapuluan sa subong nga sitwasyon kag sa paghimakas para pukanon ang papet kag pasistang rehimen. Ini amo ang nagasantu nga balos sa labing pagpasingki sang rehimen sa mga pag-

pabudlay sa ekonomya, pasistang terorismo kag dumuluong nga interbensyon militar. Kinahanglan man ini para puntiryahon kag paluyahon ang pagkapot sang guban Arroyo sa AFP kag PNP kag ipakita ang sitwasyon nga nagakadula na sa pagkontrol sang rehimen.

Sa direkta kag di-direktang pagagi dapat iangot kag ikoordinar sa paghimakas para sa pagpataalsik ang iba pang partikular nga mga paghimakas pang-ekonomya kag pangpulitika, sektoral kag lokal. Dapat magpabaskog kag magpalapad sa maabot kag suporta nga ginaangkon sang kada isa ang paghimakas para sa pagpataalsik kag mga partikular nga paghimakas pang-ekonomya kag pangpulitika sang mga sektor kag teritoryo.

Pila ka halambalanon sa pagtukod sang malapad nga nagahiliugyong prente (BUF).

Bangud sa kalapad sang sakup kag agud masentro ang daku nga tum-ok sa pagpasingki sang aktwal nga paghimakas para sa pagpataalsik, pinakamaayo nga ang programa sang BUF amo ang saligan nga prinsipyong pungsodnon kag demokratiko nga sa ulihi palawigon samtang nagasulong ang paghimakas kag depende sa kinahanglanon. Ang mga prinsipyo nga ini ginalakipan sang:

- Pagtib-ong sang pungsodnon nga soberanya
- Reporma sa lupa kag pungsodnon nga industriyalisasyon
- Makabanwa kag siyentipikong kultura
- Indipendyenteng polisiya pangluws para sa kauswagan kag pangkalibutanon nga kalinungan batuk sa agresyon.

Ang pagkasipa kay Arroyo, pagatukuron ang isa ka rebolusyonaryo nga konseho nga magapatawag sang eleksyon pagkaligad sang 6

ka bulan ukon igatalana nga malip-ot nga panahon kag piniliay para sa CONCON nga magaamenda sa konstitusyon.

Base sa aktwal nga pagbuligay sa paghimakas para sa pagpataalsik, nagaluntad na ang BUF pero wala pa ini sang pormal nga organisasyon. Ang koordinasyon kag pagbuligay ginahimo paagi sa kumbinasyon sang mga angtanay bilateral kag multilateral nga nakasentro sa pagbuligay sa mga partikular nga proyekto kag aktibidad. Samtang nagasulong kag nagaigting ang paghimakas, nagabaskog ang kakinahanglanon sang pormal nga alyansa nga kilalahon nga pinuno sang malapad nga kubay nga nagabatu sa nagaharing rehimen. Mahimo nga pormal nga tukuron ang pormal nga alyansa sa mga maki-Erap kag iban pa nga reaksyunaryong anti-Arroyo samtang mas nangingin pursigido kag pukpukan ang pagbatu nila sa nagaharing rehimen. Sa sini, matingkad nga mas manginbabaw ang pagtbuligay sa pagbatu sa komon nga kaaway sa subong kag mapaidalum ang anuman nga nagapadayon nga halambalanon kaangot sa away sadtong EDSA 2. Pormal man ukon indi na ang BUF, kinahanglan amligan sang mga progresibong pwersa ang ila kaugalingon nga pangpultikang identidad.

Kinahanglan ang madamu nga andana sang mga alyansang sektoral kag teritoryal para lubos palaparon ang BUF. Yara sa aton ang inisyatiba sa pagtukod sang mga alyansa nga ini sa madamu nga sektor kag lokalidad. Ang pagdamul kag paglapad sang mga alyansa nga ini kontra-balanse man sa anuman nga mahimo kulang pa sa BUF sa pungsodnon nga lebel. Dapat tukuron ang mga alyansang Resign pareho kalapad ukon masobra pa sa naabot sadtong Erap Resign Movement.

Nagaluntad gihapon ang polisiya nga walay alyansa sa mga Contras nga padayon nga nagapalapta sang hilo nga kontra-MLM, kontro-BHB kag kontro-Partido. Sa amo man, pareho sang una, ang pagtambong ukon pagpirma nila sa isa ka mas malapad nga aktibidad ukon alyansa indi makapugong sa aton nga magpartispar sa mga ini sa katuyuan nga abuton ang mas malapad nga kubay bisan yara kag nakakuha atensyon ang mga Contras. Siempre sa amo nga kahigayunan, likawan naton nga maghata tag sang sayup nga impresyon nga tuman kadaku ukon tampok ang papel nila.

Nagasingki kag labing pabag-

o-bag-o ang sitwasyon. Kinahanglan maid-id nga bantayan ang mga hitabo kag magpamatyang sa mga gulpe kag wala ginalauman nga pagliso sang sitwasyon. Samtang makahason nga ginapasingki ang mga paghimakas kag nagapursiger padulong sa pagsulong, kinahanglan mangin alerto pirme bangud tuman kasingki sang paksyunal nga maniobrahan kag away sang mga reaksyunaryo. Dapat maghanda sa posibilidad sang mga gulpehanay nga pagbaliskad sang mga indi masaligan nga alyado, mga gulpehanay nga aregluhon nga likum sa publiko, amo man sang mga gulpehanay nga pasistang pag-atake sa mga progresibo. Mas

malapad kag mas mabaskog ang kahublagag masa, mas mabaskog ang inisyatiba sang mga progresibo kag mas yara sa bentaha nga pusisyon sila sa pag-atubang sa mga gulpehanay kag bisan negatibong kambo sang sitwasyon.

Ano man ang matabo sa paksyunal nga away sang mga reaksyunaryo, magapadayon ang pagkadunot sang sistemang malakolonyal kag malapyudal kag magapadayon ang masingki nga handum sang malapad nga masa sa pundamental nga pagbag-o samtang indi malubad ang mga nagasingki nga pundamental nga kontradiksyon pungsodnon kag pangkatingban. **AB**

*Footnote 1: "wag the dog"-- ang teorya nga ini naghalin sa 1998 nga pelikula nga may parehong tig-ulo. Buot hambalon, ining teorya nga sa pagpadihut sang mga himu-himo nga estorya kag hitabo, malikaw nila ang atensyon sang pumuluyo.*